




ՀՈԳԵՎՈՐ ԾԵՄԱՐԱՆՈՒՄ ՈՒՍՈՒՄՆԱԿԱՆ ՏԱՐԵՇՐԶԱՆԻ ԲԱՑՈՒՄԸ

Սույն թվականի սեպտեմբերի 8-ին, երեքշաբթի օրը, առավոտյան ժամը 11-ին, հոգևոր ճեմարանի հանդիսությունների դահլիճում տեղի է ունենում ճեմարանի 1981—82 ուսումնական տարեշրջանի բացման հանդիսությունը՝ նախագահությամբ Գերագույն Հոգևոր Խորհրդի ատենապետ Ս. Սիրոն արքեպ. Մանուկյանի:

Հանդիսությանը ներկա էին Մայր տաճարի լուսարարապետ Ս. Հուսիկ արքեպ. Սանթրուքյանը, Արարատյան թեմի առաջնորդական իրիախնորդ Ս. Արսեն եպ. Բերբերյանը, Վրահայոց թեմի առաջնորդ Ս. Գևորգ եպ. Սերայդարյանը, Մայր Աթոռի միաբանությունը, հոգևոր ճեմարանի տեղաշրջումն ու դասախոսական կազմը, ուսանողությունը, մայրավանքի պաշտոնեությունը և այլ հյուրեր:

Հանդիսությունը սկսվում է խմբովին արտասանած «Տերունական աղոթք»-ով, որից հետո հոգևոր ճեմարանի սաները կատարում են «Ծեմարանի քայլերգ»-ը:

Այնուհետև ճեմարանի դասախոս Ս. Հատիկ արք. Ավետիքյանը ընթերցում է Ավետարանի «Սերմնացանի առակը» (Մատթ. ԺԳ. 4—9) հատվածը:

«Աշակերտք Քրիստոսի» և «Որք զարդարեցին» շարականների երգեցողությունից հետո Նարեկի «Աղերս առ Ա. Հոգին» (Բան ԼԴ) հատվածը կարդում է Գ. լսա-

րանի ուսանող Սմբատ արկ. Արիստակեսյանը:

Ուսումնական տարվա վերաբացման առթիվ հոգևոր ճեմարանի տեսուչ Ս. Եզնիկ քհն. Պետրոսյանը կարդում է հետևյալ խոսքը.

ՏԵՍՉԻ ԽՈՍՔԸ

Աստուծո ղոդրմությամբ և Ամենայն Հայոց Վեհափառ Հայրապետի օրհնությամբ բոլորս հավաքվել ենք այստեղ՝ կատարելու համար Ա. Էջմիածնի Հոգևոր Ծեմարանի 1981—1982 ուսումնական տարեշրջանի բացումը:

Քիչ հետո լսվելու է այս տարեշրջանի առաջին զանգը: Հոգևոր Ծեմարանի դասախոսությունը և ուսանողությունը, ամառային հանգստից հետո, սրտատրոսի սպասում են դասարան մտնելուն: Երեկ հետաքրքիր եռօրյա էր Հոգևոր Ծեմարանում: Ուսանողները մեծ հրճվանքով ստանում էին իրենց նոր դասագրքերը, հետաքրքրությամբ թերթում դրանք, զրուցում միմյանց հետ այս կամ այն առարկայի, այս կամ այն դասագրքի մասին, բնակք էլ, որոշ դասագրքերի բովանդակությանը ծանոթանալու համար փորձում էին կարդալ մեկը, ապա անհամբերությունից մի կողմ էին դնում այն և մեկ ուրիշը վերցնում....

Հոգևոր մեծարանի տեսչությունը վստահ է, որ ուսանողների այս եռանդը ժամակակիցներս չի լինի, այլ կշարունակվի մինչև տարեկները, և թող Աստված տա, որ այն շարունակվի մահ հետագայում:

Այս տարի Հոգևոր մեծարանը իր աշխատանքները սկսում է 40 ուսանողով: Սպասվում է 10 ուսանող ևս՝ 7 Բնությունից և 3-ը Բաղդադից:

Եթե մեր ուսանողները ցանկանում են սովորել, ձեռք բերել կայուն գիտելիքներ, ապա մեր դասախոսները նույն եռանդով և սիրով պատրաստ են կրթելու և դաստիարակելու նրանց:

Այս տարի Հոգևոր մեծարանի դասախոսական կազմը հիմնականում մնում է նույնը: Պետք է հիշել սակայն, որ Տ. Անահիա վրդ. Արարաջյանը Վեհափառ Հայրապետի կարգադրությամբ մեկնելու է Ադրբեջան՝ ծառայելու տեղի հայոց թեմում որպես առաջնորդական տեղապահ:

Մյուս կողմից մեր դասախոսական կազմը համալրվել է մի նոր ուժով: Ընդատաշելով Վեհափառ Հայրապետի ցանկությանը և Հոգևոր մեծարանի տեսչության հրավերին, Լոնդոնից Մայր Աթոռ փոխադրվեց Տ. Հայկազուն արևելա Նաջարյանը՝ դասավանդելու Ս. Էջմիածնի Հոգևոր մեծարանում:

Հայկազուն Հայր Սուրբը 1973 թվականին ավարտել է Հոգևոր մեծարանը, իսկ 1978 թվականին՝ Լոնդոնի Քինգս Բոլեյի աստվածաբանական ֆակուլտետը:

Ինձ քաջ հայտնի է նրա ջերմ սերը Մայր Աթոռ Ս. Էջմիածնի և Հոգևոր մեծարանի նկատմամբ:

Հոգևոր մեծարանի տեսչությունը այս հանդիսավոր առիթով քարի գալուստ է մաղթում սիրելի Հայ Սուրբին և ցանկանում ամենայն հաջողություն իր ուսուցչական աշխատանքում:

Այս տարի մեծարանի վարչական կազմը հետևյալն է.

Տեսուչ՝ Եզնիկ քնն. Պետրոսյան
Ընդհանուր դաստիարակ՝ Մտեփանոս
արևելա Չաքալյան
Վերականգնողներ՝

պ. Վաչագան Հովհաննիսյան
պ. Կառլեն Պետրոսյան
պ. Վարդգես Մկրտչյան

Քարտուղար՝ պ. Գարուշ Լազարյան
Գրադարանավար՝ պ. Հենրիկ Բալյան

Սիրելի հանդիսականներ,

Մեզ բոլորիս հայտնի է Վեհափառ Հայրապետի սերը և հոգատարությունը Հոգևոր մեծարանի նկատմամբ: Ծավոք այսօր Նորին Սրբությունը անհանգստության պատճառով չկարողացավ ներկա գտնվել և նախագահել այս հանդիսությունը: Սակայն, ի ցուցումն իր սիրո՝ մեզ է ողորկել այս գեղեցիկ արձանիկը, որ պատկերում է Սուրբ Կույս Աստվածածնին մանուկ Հիսուսը գրկին:

Այնուհետև տեսուչ տեր հայրը հրավիրում է հանդիսությունը նախագահող Տ. Սիոն արքեպ. Մանուկյանին՝ տալու համար օրհնության իր խոսքը հոգևոր մեծարանի տեսչության, դասախոսական կազմին և ուսանողության:

Սրբազան հայրը նախ բոլոր ներկաներին փոխանցում է Ամենայն Հայոց Վեհափառ Հայրապետի օրհնություններն ու բարի մաղթանքները և ապա շարունակելով իր խոսքը վեր է հանում մեր ժողովրդի անցյալի պատմության մեջ հոգևոր դրսևորումների ու դարեկանների կատարած մեծ դերն ու նշանակությունը ազգային մշակույթի և կրթության զարգացման բնագավառում՝ միաժամանակ ընդգծելով այսօր էլ Մայր Աթոռ Ս. Էջմիածնի հոգևոր մեծարանի առաքելությունն ու նպատակը մեր ժողովրդի ծոցում ի Հայաստան և ի սփյուռքս աշխարհի:

Սրբազան հայրը մաղթանքներով ավարտում է իր խոսքը, աղոթում հոգևոր մեծարանից ներս կատարվելիք ուսումնադաստիարակչական բոլոր աշխատանքների քարի արդյունքների համար:

Հանդիսությունը ավարտվում է Սրբազան հոր «Պահպանիչ»-ով և խմբովին երգված «Հայր մեր»-ով:

Նույն օրը, ժամը 12-ին, սկսվում են հոգևոր մեծարանի դասընթացները:

